

এক মাধবী রাতে

যুথিকা বড়ুয়া

গোধূলীর রিমঝিম শেষে, উঠল চাঁদ মুচকি হেসে
ছড়িয়ে স্বচ্ছ জোছনার কোমল আলো দূর-দিগন্ত ঘেঁষে ।
উঁকি দিলো সুখতারাটি, মোর হৃদয়াকাশে এসে ।
সাথী ছিল সাথে । আমোদে, আহালাদে, উচ্ছাসিত কলকাকলীতে,
উঠেছিল মেতে, রাগা অনুরাগে, এক অভিনব বৈচিত্র্যময় কোমল অনুভূতিতে!
যেন হঠাৎ বসন্তের আগমনে, ধেয়ে এলো ধূসর বাদলা মনে,
হৃদয়-মন-প্রাণ মাতাল করা যৌবনের বাণ!
যেন স্রোতস্নানী প্রেম যমুনার উত্তাল তরঙ্গে ভেসে বেড়ানো-
একযুগল মুক্ত-বাহুর আবেগপূর্ণ মধুর আলাপন!
আবেগে, সোহাগে, আদরে, আবদারে, প্রতিটি নিঃশ্বাস-প্রঃশ্বাসের সারাক্ষণ,
মেলে বিস্মিত নয়ন ।
উঠেছিল জেগে খুশীর আলোড়ন । চলেছিল, চঞ্চল মনের একটানা ছন্দবিহীন সুরের
গুন্ গুন্ গুঞ্জরণ ।
ক্ষণে ক্ষণে স্নিগ্ধ বাতাসের মিষ্টি চুম্বনে, উঠেছিল কেঁপে নাজুক বদন মধুর শিহরণে ।
যেন স্বর্গোদ্যান!
নানা বর্ণের ছন্দে, নিবিড় আনন্দে শুধু ভালোবাসার অবগাহন!
পূর্ণ চন্দ্রিমার উজ্জ্বল আলোকের রেশমী জোছনা গায়ে মেখে,
কল্পনায় করি বিচরণ, শূন্য নিবিড় স্বর্গলোকে ।
জ্বালায়ে নয়নের জ্যোতি, ছড়িয়ে সবুজ মনের দীপ্তি,
অবাধ গতীতে এসেছিল নেমে সুখ নদীর ঢল!
যেন স্বপনে দেখা সুবর্ণ ঝিকিমিকি উজ্জ্বল আলোয় চমকিত একটি শীশমহল!
দিশাহারায় চঞ্চল মনময়ুরী আবেগে বিহ্বল, আঁখীদুটি তার ছল্ ছল্ ।
ভাগ্য হোক বিরল!
তবু জানি, এমন মাধবী রাত আর,
জীবনে আসবে না ফিরে বার বার,
শুধু সাক্ষী থাকুক, আকাশের চন্দ্র-গ্রহ-তারা,
বাগিচার সুরভীত জুঁই-কনক-চাঁপা আর সন্ধ্যা-মালতিরী ।
সাজায়ে স্মৃতিবিজড়িত এক অনবদ্য মধুর অভিসার!

সমাপ্ত

যুথিকা বড়ুয়া : কানাডার টরন্ট প্রবাসী লেখক ও সঙ্গিত শিল্পী ।

rani_guddi@hotmail.com